



مارننگ گو جری نیوز بلیٹن مورخہ 09 اکتوبر 2023




یوہ آکا شوانی جموں ہے انور چودھری تیں خبر سُنو۔




Computerization Of Cooperation

اپنا اک تاریخی فیصلہ مانہہ سرکار نے کہیو ہے کہ 28 ریاستاں اور 8 مرکزی انتظام آلا علاقہ مانہہ رجیسٹراں مانہہ با اختیار بنان واسطے پورا نظام مانہہ کمپیوٹرائز کیو جائے گو۔ اور 1 ہزار 8 سو 51 ذریعے تے دیہی ترقیاتی بینکاں کمپیوٹرائز کر گئے 13 ریاستاں مانہہ ان بینکاں مانہہ مزید فعال بنایو جائے گو۔ اس سلسلہ مانہہ امداد با ہمی غی وزارت غا ترجمان نے دسیو۔ اس سلسلہ مانہہ مرکزی نگران یونٹ منصوبو اس سکیم غے تحت تیار کیو جائے گو۔ اس سکیم اور نظام نال لوکاں مانہہ کماں مانہہ آسانی وے گی۔




Vaishno Devi

جموں کشمیر مانہہ ویشنو دیوی شرائین بورڈ غی طرفوں ترکوٹہ پہاڑیاں مانہہ عبور کرن غی خاطر جھپڑی ہوائی چار خدمات مہیا کروائی جا رہی ہیں اُن واسطے ہون یا تریاں مانہہ یاہ خدمت مہنگی پے گی۔ اک ہوائی کمپنی جس نے اگلا 3 بہراں واسطے یوہ ٹھیکو لیو ہے۔ اُس نے یو کرایو ہون اُن جان غو 42 سو کر دتو ہے۔ پہلاں یو کرایو 36 سو تے 40 روپیا تھو۔ اس طرح کرایہ مانہہ ہون 20 فیصد غو اضافو ہوگیو ہے۔



Ladakh Result

لداخ خود مختار پہاڑی ترقیاتی کونسل غا چناواں مانہہ نیشنل کانفرنس اور کانگریس نے 5 واں عام چناواں مانہہ قطعی اکثریت حاصل کر لی ہے۔ نیشنل کانفرنس سب توں باندے اُبھرے آئی ہے۔ جس نے 12 نشستوں کا میابی حاصل کی ہے۔ جد کہ کانگریس نے 10 سیٹ حاصل کی ہیں۔ واضع رہے سال 2019 مانہہ لداخ مانہہ جموں کشمیر تیں کنی کر گئے الگ توں مرکزی انتظام آلو علاقو بنایو گیو تھو۔ اس کونسل واسطے 4 اکتوبر مانہہ ووٹ کھلیا گیا تھا۔ جس مانہہ 65 فیصد ووٹینگ درج کی گئی تھی۔ چناواں مانہہ نیشنل کانفرنس، کانگریس اور بھارتیہ جنتا پارٹی غے بشکار مقابلو تھو۔



ECI Election


چناؤ کمیشن اج 5 ریاستاں غا اسمبلی چناواں واسطے پروگرام غو اعلان کرے گو۔ واضع رہے 5 ریاستاں مانہہ راجستھان، مدھیہ پردیش، تلنگانہ، چھتیس گڑھ تے میزورم شامل ہیں۔ اس سلسلہ مانہہ بھارتی چناؤ کمیشن اک پریس کانفرنس مانہہ جھپڑی کہ دہلی مانہہ اج 12 بجے ہو

رہی ہے۔ شیڈیول غو اعلان کرے گو۔ حال ہی مانہ کمیشن غی اک ٹیم نے ان ریا ستاں غو دورو
کیو تھو۔



Israel

اعزارئیل اور حمس غے درمیان جنگ مانہ مرن آلاں غی تعداد اک ہزار توں تجا وز کر گئی
ہے۔ تقریباً 7 سو لوک اعزارئیل اور 4 سو لوک غازہ مانہ ما ریا گیا ہیں۔ ہزاراں غی تعداد مانہ
لوک زخمی ہو گیا ہیں۔ مرن آلاں غی گنتری زیا دہ وی ہو سکے۔ کیونجے حمس حملہ آوراں
نانہ اجاں گجھ علاقاں توں کڈنو باقی ہے اور حمس غا حملہ آوراں اور اسرائیل غی فوجاں
غے بشکار جنگ اجاں وی جاری ہے۔ اجزارئیل فوجاں نے دعویٰ کیو ہے کہ اُن نے قریباً 8 سو
جگہاں نانہ نشانو بنایو ہے۔ اقوام متحدہ غے مطابق قریباً 70 ہزار فلسطیناں نے مختلف اسکولاں
مانہ پناہ لیا وا ہیں۔ اقوام متحدہ غی طرفوں اپیل کی گئی ہے کہ انسانی بنیاداں ورتا کھانو وغیرہ
آنیو جائے۔



Army Plumbing

فوج غی طرفوں ضلع کشتواڑ مانہ اوپریشن سدھ بھاونہ غے تحت چیر جی علاقہ غا نوجواناں
واسطے نل سازی اور ٹائل وغیرہ لگان کورس منعقد کیو گیو۔ یوہ پروگرام مقامی بے روزگار
نوجواناں مانہ اس شعبہ مانہ ہنر مند بنا غے اُن نانہ روزگار فراہم کروانو ہے۔ اس کورس
واسطے ماہر تربیت کاراں غی خدمات لی جا رہی ہیں۔ اس سلسلہ مانہ پچھڑیا علاقاں گا 20
نوجواناں غو انتخاب کیو گیو ہے۔ جہیڑا اس مقصد واسطے اک مہینہ غی تربیت حاصل کریں گا۔



DC Ramban

نویں چلائی گئی وزیر اعظم وکرم سکیم غے تحت سنکلیپ سپتہا یعنی ہفتہ عزم ضلع رام بن
مانہ ضلع ترقیاتی کمشنر مسرت اسلام غے زیر نگرانی شروع ہوؤ۔ اس سلسلہ مانہ روز گذشتہ
سمردھی دیوس یعنی یوم خوشحالی منایو گیو۔ یوہ پروگرام دستکاراں، زرگراں، سنگ تراشاں
اور دیگر کاریگراں نانہ فائدو پجان غا مقصد نال شروع کیو گیو ہے۔ تانجے ان لوکاں غی مالی
حالت بہتر ہو سکے۔ اور دستکاری غا کماں نانہ زیا دہ توں زیا دہ فروغ ملے۔ اسے دوران
ڈیجیٹل مارکیٹنگ، اقتصادی پڑھائی اور ای تجارت غا سلسلہ مانہ وی رام بن غا بلاکاں مانہ
بے روزگار نوجواناں واسطے اک بیداری غا پروگرام غو انعقاد کیو گیو۔



Youth Festival Sangam 2023

فوج نے بہدرواہ یونیورسٹی کیمپس غا تعاون نال 3 روزہ نوجوان میلہ سنگم 2023 غو انعقاد
بہدرواہ مانہ کیو۔ اس میلہ مانہ کم از کم 18 کالجاں اور یونیورسٹیاں گا طالب علماں نے حصو
لیو۔ ایسا نوجوان میلہ یوتھ فیسٹول نوجوان طالب علماں نانہ اپنا جوہر قابلیت اور کُرتب دسن غا
مواقع فراہم کریں اور زندگی غا کئی شعباں واسطے طالب علماں نانہ اس قسم غا پروگراماں
توں ہی پہچان ملے۔ اور وے ترقی غی منزل طے کریں۔ اس قسم غا مواقع توں نوجوان اک دوجا

نال اپنا خیالات سانجھ کر غے زندگی مانہہ اگے بدھیں۔ اس 3 روزہ میلہ غے دوران کئی قسم غا پروگرام کروایا گیا۔



اس غے نال ہی گوجری خبراں غو یوہ بلیٹن ختم ہوؤ۔

